

梅

里

志

梅田志卷第十一

里人楊謙纂 李富孫補輯 余林續補

李保宸參校

藝術

補方技之名防於劉歆自後史傳或稱方術或稱藝術凡
醫卜音律書畫技巧之事皆錄之子夏云雖小道必有可
觀者焉其濟時利物良有足取爾

褚勛字叔銘號完吾隆萬間人資英敏多技善弈書法摹晉
人嘗治畫縑極纖細人名爲褚絹善繪事格韻高絕能入宋

元人之室爲莫雲卿李繼泉所重其遺墨流傳賞鑑家珍之
王元佐爲之傳

周嘉錫字覽予祖之諒素稱善弈至覽予始稱國手諺云褚

畫周碁王八詩謂叔銘介人及覽予也有碁譜行世周篋爲

之傳

補晉風錄覽予童子時視客對局輒從旁弄子指點時
人說之褚允也稍長東南名手莫與抗行遊京師推爲

天下第一

手爲忌者所毒客死燕都篋谷作
傳以爲東尼慕之招至海外不知所終云

補李治字叔平號紹塘又號武夷山人萬厯間人能詩善鼓

琴又精於弈

春風錄

國朝

徐貞木字士白號白榆性兀傲不苟同時趨恒欲青白眼

天下士工於詩周管谷稱其典贍淹貫非虛譽也小楷法黃庭可稱具體至於篆刻海內宗仰實出程鑒許容之上子寅字虎侯號秋田能書其篆法採元字不夜號南堂以文行著歲貢官寧海訓導篆書法漢魏照字城王亦工篆刻有以謂行世補唐志貞本卓犖奇聞心博不其籍靡不窺覽示登善後宗右軍改而之大令其篆刻藏者品之在素海蕭彭處士昇仁稱其篇翰入鍾王之室篆籀得李斯陽冰遺法

周篁字林於工詩詞受鎬法於王將軍定遠雲間丁太守署中有河南人以藝自負欲與篁校篁爲人藐小而其人則偉然丈夫人咸爲篁危且踴躍以來勢甚然一舉而鎬墮地

閩暑閔然大笑其人慚甚汗流稱篋爲師煢鎗不可及

徐予臣本姓周善繪事有虎頭之目弟銘字弁山喜爲詩歌
工習方術於岐伯黃帝問難之旨頗悉其要領

朱葵鑒字千里精篆法善畫兼工藝事嘗聽經師講小戎章
誚其昧於車制廼削木爲之市絹人馬御輪執轡觀者歎服
詩長於送別

夏雨金字鼎生工醫善詩

補梅里詩輯我里賣藥者多能詩之士范遵甫胡天岫涂長簡三人

最著次則范聖游夏鼎生陸端載其後又有周丹杼戴詠菴
尤亦夔郭大邦朱王路錢準可李名揚諸君若世其業而有
名者范山人敬軒民彰遵甫先生之父及子也不以醫
名而術精者前則屠文學乎駸後則屠明經永果也

陸文孫善音律流寓常州卒於粵東徐進士永宣與朱竹垞

先生慧慶寺夜話追悼父孫詩云朔風號怒紙窗前憶舊僧
房感逝川鄉曲公憐楊狗監天涯吾悼李龜年雪深院落妻
無絮葉擁階除突少煙此夜楓青燈影黑鼓寒霜重不成眠
讀之可知其槩矣

鄭谷畊弈碁高手有碁譜行世

補春風錄谷畊士奇之後象
戲獨步吳越間人謂谷畊象

棋第一圍
棋第二云

鄭公培字子元號葭村善篆刻徐貞木弟子有印譜子邁字
叙周號拙餘庠生能詩入暴書亭詩社

張晃字公彩號南巖以畫蘭擅名書法趙吳興每題小詩亦
頗媚秀李繩遠題其畫蘭卷子云空谷何心只自芳誰言入

室久無香露花風葉千般態九畹還輸此擅場

周笙字古聲善醫以畫鸞粟得名當七表時同里樊廷論纂

啟徵詩

補春風錄周笙管谷族弟也業醫患素問精微世人不能參究誤靈素寶要等書藏於家

王度字清谿山水花草並擅其長

萍橋談氏世習兒科里人所稱談小兒是也某早逝遺孤尙幼有義僕陳友芳者撫之成立亦善醫手不能書治痘疹頗

著奇效王方伯庭贈以分書保赤神功匾額後署曰王某爲

友芳仁丈題至今尙存

補春風錄談金章字黃浮兒科專家著誠書卷取保赤誠求之義其於

痘疹尤精書已板行爲世所寶重云

顧繡虎字有堂上舍仲清孫庠生亦善畫蝴蝶

屠崖字景山以寫真著名山水深得元人筆意雅近盛懋一派其弟巖字爾瞻善畫人物子松年人物花卉無不精妙爲衍聖公所知延之甚久卒於闕里補齊風錄屠爾瞻住石橋東山水有名多出游里人鮮知之者

沈壬字斯立翼子工隸書篆刻

郭徵一名磨徵字景升號臯門太學生孝廉袁采子以能詩稱兼擅山水篆隸

王咸凝字爾安善山水

王兆旦字純孫號香谷方伯庭之孫性豪放好客當時有貧孟嘗之稱晚年習醫偶往崇明適有瘟疫延視無不立愈鄉

人傳鈔其方服之亦效

周丹抒里中世醫也每立方必用丹皮同時何右軍慣用熟地尤亦藥用人參里人有周丹皮尤人參何熟地之語

胡廷儀字芸窗善指頭畫

何世楷字右軍庠生少患怯症遂精醫

尤錫九字亦雙號淡軒太學生工醫善詩兼精書畫嘗製小舟榜之曰吟觴置茗椀書畫於其中

楊立山考授州同爲兒科專門尤長於痘症談嘉賓亦以兒科著名姚蘊生金大業並業外科

李岱字迂仙號魯山又號補筆字法

仿倪迂詩學楊

陸一派補春風錄迂仙山水甚高不輕作自其存時已若古畫之難得故流傳特少

陳士銖字次和號竹塢太學生善山水著色者尤工第士鉅字肩吾能詩子字紫岑以花卉擅名

王籍渠字典在號華村方伯庭曾孫貢生幼時書劈窠字於壁方伯見之大喜以所用大端石硯授之曰他日必以能書名中年閉戶不與世事晨夕取唐宋法帖臨仿從米元章入手後參以虞伯施褚登善卓然自成一家海昌楊太史中訥見之心折手鈔書籍甚多五經而外則珊瑚網書史會要無聲詩史等種盈箱積案一筆不苟孫復字履常亦能書工制藝與金標楊漢籌輩有五虎之目惜早卒

王阜字修立號蔗田籍渠之弟善丹青工寫照子梁字景熙能世其業

朱桂孫原名桐孫字楫師號巖客檢討彝尊之孫王漁洋題小長蘆詩所謂笑凭桐孫稻孫是也能詩善畫子振祖字繩武書法率更後入晉人之室詩畫俱工

繆元英更名綬武字侶峯號雪堂庠生其器子少通羣籍長厯四方好學不勌隸法雅近鄭汝器有梅花谿踏青詞百首補春風錄侶峯分書法谷口秀逸絕倫晚年筆益奇橫可態益秀潤篆刻亦工

馬行素字稼儒晚號南漁讀書好古精於篆刻

王斌字師周善寫真子肇奇字芬遠能繼其業

補畫徵錄寫真之法信然

墨骨爲正賦用鯨法寫照其筆意淡遠
子華基字履仁傳其業力欲復古志士也

楊應字宏號別谿漁長善人物寫真晚年以指頭作蘭花
頗有別趣弟子胡仁字省三亦善寫真卒於平湖

陳蘊生字英儒邑庠生畫墨蘭能於何樗菴徐他山二家外

自成一格兼擅篆刻

補惜如篆書古雅鐫
印製硯皆有矩矱

張世紋字紫垂善書杜



字陳常邑庠生善分隸書

吳學韓字幹庭乾隆庚寅孝廉善畫蝴蝶

夏大貞字沁雪善畫山水花卉有名於時

張維宗字慤如號柳邨業賈以能書稱嘗手臨淳化閣帖孫
過庭書譜

補李明敷字芳蕊明貢生淳五世孫好兵法有神力擊刺之技一時無兩有廢寺鐵鼎峙庭中衆數十人莫能動明敷獨力舉之竹大如椀手授之立碎執雙箸起舞風颺颺蔽面雖丸矢莫能入也含山盜再至梅里明敷偕金某等擢舟伺小港中至則飛櫂出敵用計截其後盡殲之一里稱快苞谿家乘春風錄李明敷精拳勇善運雙刀人不能近含山盜劫里慮出爲難使從盜守其門李臂雙刀啟扉獨坐盜莫敢入涂允陵字常建一名簡字長簡精於醫賣藥里門名聞於時詩亦俊逸清超足與尋壑藍邨方駕梅里詩輯

陸輅字端穀號澹夫善醫李無塵贈詩云姓同陸羽原高士

術繼盧醫是國工

春風錄

徐他山善畫蘭顧中邨有詩詠之張聞仙工山水亦見中邨

集中

上

姚聘三

一作品珊

童時耽弈家故貧父令賣錫見弈者輒玩視忌

去或至永日試令對局卽工遂知名品出屠乎駿金孝堅上

幼未嘗讀書其後能爲近體詩

上同

鄭聯字剪樓號竹礪業醫喉症專門其後乃以喉疾死亦能

詩道橐失傳

上同

繆德隅字抑威山水濃鬱子鳴埧字立修山水小幅亦秀潤

丁維凝字約存善畫葡萄

錢臨字準可號北山太學生因躋終身不娶精醫術深通薛

立齋諸書專以濟人爲急遠近稱良醫

伊志

談邦耀字字庚父東巖世傳嬰兒術居郡城邦耀徙梅里習祖業尤精痘科貧而好施給藥不索酬子守仁字甫元能繼其術嘉慶己未郡守伊公延至署爲書誠求保赤額贈之

陳襄字敬夫號紅樵善書入董文敏之室與胡駿戴源仁夏之旭王家幹李稻塍稱六逸駿字良思原籍蘭谿擅分書

王道字時行號山佳方伯庭曾孫善章草厯游都門楚閩爲陳中丞大綬雷編修紳霄所推挹

蔣念貞字方懷自海鹽遷居梅里工於醫于次雲字漢階太學生能世其業兼擅外科每日延視者踵相接並嗜詩詞能

書

仲世貞字樸安精醫理弟世俊字樸賢明外科世俊子泰字
濟川太學生博覽方書尤深於素問難經能洞徹癥結遠近
延請無虛日性好善喜購書講有用之學

楊際椿字可久庠生讀書敦品持躬謹飭喜讀靈素書輒能
窺其竅奧子振時字律天以岐術行世尤精幼科遠近知名
薛廷文字魯哉性樸率耽詩苦吟擅繪事尤工荷花鮮妍得
生趣

伊志

郭鳳字友桐能詩畫所居茅屋數椽栽花種竹日與同里詩

人相倡和

同上

錢思臧字驥良善篆書兼工篆刻有白榆山人家法

父熊字佐才武生善喉症兼擅畫蘭

張□字乘龍治時症慣用險劑能立愈

許堅字□□文學燦子太學生善書近任大令繩祖筆法尤

桐字于岡庠生亦工書摹顏魯公鹿脯諸帖

李聘字一徵善隸書得漢禮器諸碑法精於賞鑒兼工篆刻

丁芸字硯耕善寫真兼能詩詞

已上俱補

續補王潤字沛堂號松崖祖斌父肇基均見張庚畫徵錄潤克

承家學少嘗侍父遊廣陵多見馬氏玲瓏山館真跡故所詣
皆得於古兼工山水傳神尤無弗肖客粵西最爲謝中丞啓

昆所稱延入幕聲價益高旣念母老謝遠遊歸里後求者無
虛日年七十七卒於家

馮植字心田號筠村庠生秉性純厚有先正模範設教里中
從學者日衆精於籀文繆篆與徐虎侯馬介如齊名

馮時桂原名彪字璘友號秋巖工詩詞篆刻遊歷西江南粵
間晚寓吳江之平望最久

徐崇禮字雲疇諸生力學嗜古工隸篆與錢鴻寓字西莊吳
駿字蘭江俱以分書同稱於時

許煥字牧堂文學燦從兄精六壬賣卜於市竟以窮死兼工
詩

李岱字迂仙號補雲貧而樂道蕭然自足能詩工畫筆意淡遠在倪黃之間

朱以朝字良思從九品弟亦朝字震山武生桐鄉人俱從祥厚高政揚學醫精外科藝亦相伯仲間有某患背疽初起能尅期預決其必死後果驗名益噪甚亦朝尤好施濟貧者不受其值後遷梅里子孫世其居並世其業焉

盛如栢字春山監生善繪事尤工山水旁及靈素諸書無不潛心研究爲吳門繆進士芳彥高弟

李鑑字橘坪諸生工詩精形家言子湄字雪園監生精星學善奕詩承家學

張昌壽字魯祺諸生善軒岐術嘗從仲泰遊泰宗張仲景學
每治證必溯其所由來窮其所自止能決生死於數月外一
時推名手昌壽親聆緒論所得獨深稱入室弟子云
蔣寶泉字百門念曾孫以醫世其業名噪一時尤長時症時
人呼爲蔣一劑言效之速也

金鳳苞字蘊奇諸生精堪輿尤究心六壬遁甲術嘗爲人占
事每多奇中

馮登雋字少盦例授六品銜與兄太史登府同居極友愛志
行高潔不干仕進工詩能畫善山水人物嘗賣藝自給遭亂
後貧益甚蓬壁蕭然泊如也年七十餘卒

顧舫字滄洲性樸訥善琴工書畫篆刻皆能合古人筆法

沈道洪字詠庵善製瓢器署其居曰一瓢室時人重之因朱銀陸玉之目呼之曰沈瓢

沈道腴字淡庵監生工詩畫篆刻子愛護字琴伯克承家學而鐵筆尤精馮太史登府跋其印譜云鈍丁不得專美次閑何足爭長非虛譽也能詩兼善醫家兄弼贈以詩云胸無俗學乃追古肘有奇方能活人

李崇基字得安上舍光映孫父奇昌字若谷監生嗜古工篆刻崇基亦工鐵書刀法蒼勁能入漢人之室尤善摹古雜印數中未易辨也最爲張解元廷濟所稱

張修字思永號智符上舍之樑子少有宿慧棄舉于業通形家書學宗蔣氏大鴻力闢三合之謬爲人相宅墓多奇驗然每謂人曰凡佳城須有厚德以載之不可強求如修者殆術而近於道者歟弟佟字竹書善醫工詩稿多散佚

馬季傑字子萬觀察洵子性嬾散善弈客至恒列局以對海昌陳處士性毓時推國手常主其家焉

沈雷字箕溪工篆刻善隸書不能家食而遊客九峯三泖間多攬環結珮之好

張世儔字鳳岡工花卉尤善桃子時有毛莢字葭生張長齡字長伯方並花卉

魏稼登字東溪善醫兼內外科時金山錢氏聚書甚富尤樂善好施合藥以濟貧病延稼登司其事故得盡窺所藏諸帙藝益精進後歸里就治者恒接踵於門

張惠昌字硯溪監生善醫嘗從顧廷岡蔣寶泉遊得其秘奧兼工吟咏詩有唐溫許宋范陸風

吳金樞字蓮舟以例貢成均屢試不得志遂棄舉業而讀醫書遠近就治者履恒滿戶外

釋道

補釋老志創於魏書後史家多爲立傳地志亦用其例吾里自明至國初不少緇素之徒清修梵行提倡宗風兼有工詩詞與名流相印契猶可想一時法會之盛焉

宋

智鑑滁州人元祐時僧長依真歇於長蘆大休首衆卽器之後遷象山百怪不能惑復往雪竇嘗居嘉興梅谿其梅谿卽事詩云性癖偏宜雲水間半龕棲隱便相安門深雪護千株老谿曲風迴六月寒白法且從身外得青燈還向靜中看幾回欲斷羅浮夢鳥語花香未肯殘

明

廣化字無期梅里人住海鹽天寧寺能詩與王百穀趙凡夫
姚叔祥項子瞻諸公倡和有唾餘集重建古東林社雲棲大
師曰化公叢林高表不染時風

萍居嘉靖間僧住里南海印菴閉關寫華嚴經八十一卷稱
萍關

智舷字葦如號秋潭梅里人俗姓周父洙母丁氏年十七爲
秀水金明寺僧居湖天海月樓東有老梅橫窗日吟詠其下
晚構黃葉菴於西郊自稱黃葉老人修竹百竿晨夕手自拂
拭客至拾落葉煮茗移時無寒暄語吳越士大夫慕謁者接

踵其所心契者吳少君殷方叔陳仲醇也公道價隆重諸方
禮爲耆宿而不領衆不立侍者書記詩名滿東南而無專集
善行草書好事者就長牋橫幅輯爲上下卷譚掃菴取黃葉
水芝兩橐梓之題曰長水兩僧詩

依蓮明萬厯間苦行僧也嘗畜一鸚哥死而埋之次年陸地
忽現紅蓮土人掘之花從鸚哥口中出咸以爲異卽於此創
爲社菴初祇數椽後漸拓爲叢林密雲祖師題曰古南

國朝

通門字牧雲號濟翁又號樗叟常熟張澄字子鬚度於桐聞
和尚爲天童密雲法嗣明崇禎之季開法古南提唱宗風有

嬾齋集等著識者比之雲棲法彙云

補梅里詩輯通門住古南院一時儒士咸親法

會凡七主叢林實爲臨濟龍象兼工詩詞行書亦秀勁

行言字南音別號具鈍叟海鹽凌氏子年十九出家於邑之沃雪菴崇禎庚辰參天童悟和尚壬午來古南參牧公命掌記室順治丙戌辭隱大麓居三年至古南受書記一日同牧公泛舟梅谿見岸上桃花盛開牧公曰昔靈雲見桃花悟道元沙何以謂其未徹汝試道看曰風吹柳絮毛球走雨打梨花蛺蝶飛公曰落在誰分上曰任和尚分疏公領之是冬遂受屬付

淨伊字願菴原名丁元公字原躬嘉興布衣善畫得白陽家

法晚歲從古南學佛

補靜志居詩話原躬負奇恒與俗離
書畫俱入逸品兼精繆篆詩亦不屑作

庸熟語

行篋號懸崖梅里陸氏子本姓周貧之族弟髫度於天童密
雲和尚古南牧公之法子也築精舍於里之西谿嘗往來雲
鷲銅官白雲堂之間山人患虎旦晝戒嚴而白雲堂在山
頂有古泉久涸師至泉水湧發虎不知所之人多夜行父老
嘆詫得未曾有牧公示寂主古南者非師不可方伯王公聽
書敦請師累辭不克初入院雷音一震聞者竦服

定暲字聞極江西南昌王氏子父御史公巡鹽淮揚嘗精心
禪學師年二十三走從廬山覺一和尚獲髮師工文詞悉屏

棄之專崇實行卽開講於楚黃之石門寺緇素駢集繼訪牧
老人於常熟後主古南募建佛閣識宗教之源切戒律之行
與區尙浮談者相遠其補春風錄定高嘗住匡廬萬松菴著廬山志
行葵古南寺僧善詩

行彌字芥子號鉤斧明季諸生出家於里中之眉菴能詩工
書賞鑒家皆爲寶藏之法嗣超源字自覺里中李氏子亦能
詩

智遜字天山又名剖雪號拙屋平湖人沈姓明季諸生居別
谿爲僧村深水佛物外蕭然里中前輩皆與之游能詩通篆
隸歿後卽構龕於菴旁其地四面距水青島家指爲吉壤有

破菴啟其龕者則髮長數丈手爪繞身十餘盤矣懼而焚之

傷已

補春風錄拙崖詩格老氣蒼思深味永可與黃葉冬關
仙仲發龕先一夕見夢其人曰幸無發我瘞我當爲地

仙行

周成武質之世父生二子發光裔光中歲爲僧字覺悟住京
口昭關下福田精舍四十餘年後二子俱爲僧發光居虎邱
禪堂二十餘年年八十一卒裔光不知所終

一斑字定先吳江人主席古南道風丕振以歲儉苦於措擇

致抱沉疴所著詩二卷計萊村默輩捐資付梓

補春風錄一
斑吳江僧後

歸老一螺山房弟子則
峯參學古南能詩工畫

梅影和尚住湯蓮菴爲福嚴寺費隱和尚法孫能詩

心印字機林祈堂寺僧築分柿山房與詩人酬和刻分柿偶
編一集以所著觀樹草附焉同時詩僧則有尊法字西傳清
澗字巨方審淵字語冰覺慧字剖愚超崇字霜巖皆有聞於
時

超源字乾一號寓園當湖陸姓子九歲願爲僧出家於郡城
之東塔寺康熙己巳王公邁人延師駐錫古南後徙居自在
菴誦華嚴者十年手抄經序二冊今歸於余其自題像贊云
見其形誰不識曾度古南幾歲月一朝袖手事無干檢點從
來何所得一破瓢一舊拂畱與故家作底物坦塗蕩蕩擔頭
輕豈此尋常傳舍客

補李維鈞乾一禪師塏銘乾一爲東塏
雪菴上人弟子隨侍山陰蕪菴大師後

詣南高峰侍鍊音大師又侍虎洞晦菴大師禪學益進來古
南問答於聞極禪師謂已得臨濟真傳後主法席以見聞不
廣挈弟子游齊魯燕趙間禮五臺從宣化出登蘇
武城而返徙居自在谿園工詩善畫俱可傳世

明津字隱畊石佛菴僧善畫蘭竹

因培字林虛東瑤菴僧俗姓姚癡餘海印菴僧俱能詩

實煥字圃茨一字个閤眉菴僧葵白弟子能詩

宗道字洪聞東聖堂僧實印號也白梅谿菴僧俱善畫山水
慧機字省愚古南寺僧能詩

文鑑住東林精舍熟精內典一時罕有其匹硤石慧力寺顏
圯已久師主講席募緣修葺功竣告歸

際嵩字寬安幼爲東塢寺僧後住自在菴乾一頗究畫理公

盡得其傳兼善寫真間作小詩絕不類禪和子語故吾黨皆
樂與之游有痰疾嬾與人交際禪扉常扁窗前有隙地數弓
蒔花藝竹頗有幽趣余幼時隨先子讀書菴中適鶯粟大放
作詩以贈有每到秋來貧更甚佛前添種米囊花之句公色
喜以爲實錄壬午小春余客桐谿作詩懷之未寄李明府集
自里中來云公已示寂矣前一夕猶赴法筵無病而逝玉筋
雙垂殆入寶山而非空手回者乎

補頤學齋文鈔公畫無師
法里中故人貧無喪具卽

解貨時之蓋
僧而好義者

明得字定安號竹谿自徑山來主古南方丈創建大悲閣性
慤直不修邊幅與人落落寡合由是不理於口歲乙亥吾鄉

偶有偏災鄉人有棄其兒女者公爲收養在大悲閣下日食
數十人至春麥熟各訪其家還之乙酉秋日作偈曰在生六
十六無禍亦無福住茲三十年依然返天竺端坐而逝

薛存素紫虛觀羽士順治十三年五月初九日含山盜起挾
之去勒贖不遂殺之去其首則化爲鷺矣盜異釋之歿後其

徒築堂於觀側以化鷺名焉

王選有化鷺堂記

金鴻符住金家橋年三十喪偶遂爲元真觀道士數年後餘
賢帶池中有祟鄉人患之延鴻符建壇設醮是日午後步虛
以劍擲空際忽池水殷紅有一大黑魚浮出已被斬矣害遂
除

尼行剛字祇園處士胡日華女嫁諸生常公振未期而寡中
歲出家爲僧通乘弟子住伏獅禪院實力焚修講明秘典能
詩著有語錄朱太史彝尊采其詩入明詩綜其徒一夔超琛
皆有語錄行世

補靜志居詩話石車乘禪師以如意付祇園此崇禎丁丑年事先伯祖母趙淑人嘗師事祇園疑義必質故余少日曾見之威儀醇樸母論空門行業卽以節婦論亦宜存其片言以當鳳樓新誠也

尼本信字覺柯桐鄉錢開府承江之孫女適閔氏年二十五
而寡順治八年宏覺和尚在道場山爲之披髮王方伯庭等
請住梅里伏獅禪院有語錄行世

補成淇初字滔源更字清映海鹽顧氏子童時就鄉塾卽有
出世意年十六來依石佛禪院稍長薙度於其師徹生燈公

燈公之師爲畫空雲公雲公之師爲無窮亮公手創是菴叢

篁疏樾廣庭小沼之勝冠諸蘭若焉

尋壑外言

超濬字岷源古南寺僧行笈弟子重建方丈相繼提倡宗風

不衰

春風錄

嬾顛主施茶亭僧乾隆

年晨赴古南禮佛辭衆旋歸焚

香大士前訖趺坐而逝後數年又有克明繼之

同上

際凡字德源古南寺僧眞實焚修主方丈重修大殿山門有

乞食圖里中前輩皆爲題詠

正本字寄梅東聖堂僧善寫眞工山水梅竹兼能詩

續補

明濟字西帆東聖堂僧能詩尤長五律如石窟蛟涎濕沙

堤虎跡深天寒孤嶼瘦木落大江秋等語亦宋九僧之流亞也化後稿失不傳

學川字法舟自在庵僧能詩兼善畫梅竹嘗作偈云出家好布衣菜飯有到老只怕自顛倒皮囊沒依靠並乞秀水陳銑書於匾額而懸之以垂戒焉

省三俗姓王處士潤子自幼卽喜禮佛誦經出家於古南寺工書僧臘僅二十一而化

三善俗姓姚梅溪庵僧精於卜爲人占事多奇中

西求俗姓張靈源寺僧性喜飲以米汁佛自比咸豐十年七月粵匪犯里至寺毀像西求以棒擊賊被殺同日有古南寺

僧普周石佛庵僧三度指月庵僧慈倫俱殉難

滿忽紫虛觀羽士飲酒食肉不修邊幅咸豐十年遭亂被脅
不從殺於銀杏樹下

尼宗奎自幼視髮於丁庵矢志焚修戒行清潔咸豐十年遭
亂死難同日積善庵尼四寶懼辱自投水死

流寓

補明湯齊邑志以僑居流寓分爲二其實亦無甚區別今以異地之人來徙於里或有名蹟可稱者特紀之

明

吳阿真字無櫻台州郡庠生方孝孺之甥孝孺赤族株及嫻親阿真舉室盡爲楚囚真藏竈櫃中得免薄暮入散遁至武林謀居於卜者曰樵李善遂買舟過長水偶滌器失食孟曰吾食在此方矣廼居梅谿鎮以授徒爲生桃李盈門人咸以爲正學一脈云

補湯志永樂九年御史陳瑛奏逋臣結死黨下令捕之阿真被逮託次子於外家孥長子

往戌
開平

梅里志卷十一
三
〔荷〕戴瓊字子玉休寧人嘉靖間以博士弟子入太學試禮部
儒士第一時分宜竊柄引病南還與禾中項承芳李衷毅衷
純輩訂交購宅梅會里顏曰百順堂肆情詩酒泊如也卒於
梅里子孫遂占籍焉

休寧縣志

國朝

李尤垢錢塘人明末入太醫院爲醫士順治十三年春以二
童子白隨負藥囊至梅會里榜其門曰太醫院李尤垢總理
內外大小十三科方脉里中醫嫉其大言謗者譴起廼移寓
萍橋僧舍朱太史葵尊間訪之方注本草經多發新義後各
死吾里置爲二童子載去所注書無存

〔補〕春風錄无垢嘗爲
朱太史夫人視病不

樂而愈太史爲
止傳載集中

方思谿不知何許人明季隱里中之大井坊頗曉鎗法不肯
授人歿後王定遠周上舍篁許參將雲龍輩訶知其妻亦善
鎗皆執贄請見盡得其傳世遂稱爲師孃鎗法云

俞汝言字右吉號漸川秀水人年十九補諸生食餼甲申後
遂棄去家故貧浩然自得知舊仕宦不通干謁康熙甲寅移

居梅里與繆處士永謀同居年餘卽返城東草堂所著有漸

川集春秋平義四傳糾正諸書

補靜志居詩話右吉早著名復社卽以詩古文辭擅場旣

棄諸生授經弟子博稽三百年典故撰有明大臣年表簡而
有要晚著春秋平義悉取宋儒苛刻之論平反解釋其文氣
逸格高詩亦文
華中有真寶

胡山初名日新字天岫金華人徙居宜興明季諸生後棄去
賣藥海鹽後以娶婦至硤石復遷梅里與周處士質同居擅
詩歌樂府傳經懸壺蕭然廛市

補梅里詩輯山負才兀傲著書賣藥舌耕以養母詩格

王雲公不知何許人賣卜梅里蔣明府薰作詩贈之有垂簾
市上見君平句

鄭羽凌閩人擅丹青之術於行像尤窮其妙崇禎甲戌投轄
梅里迄甲申再至淹留彌久

周臣字陳侯慈谿人能詩寓里中築三緘齋製研花牋甚精
又喜藝蘭與里中諸前輩相酬倡焉

補司志朱彝尊稱臣詩安雅清疏初無虛語

吳家徙四壁立能不憂貧
仍唐宋人製箋流布江湖

陳泰字失名上虞貢生寓居梅里善弦子諺云錢簫字鴻雷宋

笛字仲甫陳弦子是也

邵荀孟塘棲人客梅里所著遂名梅里吟李徵士良年爲之
序

曹三才字希文又字而兩硤石人孝廉官教諭移家梅里收
藏法帖名畫最富詩學放翁有廉讓堂集

王巖字補雲松江人流寓梅里時年八十餘矣善丹青山水
人物並臻其妙朱太史夔尊甚爲推重贈詩二絕有將無馬
遠是前身句

祝定國字尙字寧邑庠生園花人寓吾里以書法見稱於時
徐焯字楚江號拙菴處士善子嘉興人徙居里北萍橋王氏
之澣花居與朱別駕琪徵君相孫盛孝廉支焯鄭秀才邁徐
秀才懷仁結暴書亭詩社

王璣字象天錢唐人官至江蘇撫軍罷官後移家里中朱氏
之根心堂

朱履端字端友桐鄉人以翰林改兵部職方司丁艱歸移家
里南之南園不久病歿

方梅字雪屏號白岳山樵石門人寓居里西之古南寺善畫
蘭竹能詩歿於寺中

鄒慕汲字長孺原名星字長庚號愛白硤石人僑居里北之
補篁村舍能詩卒於朱氏之潛采堂

唐若時字咨甫金華人明季僑居里社倉之左王翊數與之
游

沈光珏字瑜亮慈谿人贅王家兜王氏康熙壬子舉人少負
異質有得於性命之學於四書大易及正蒙諸書多所纂述
子李楷字元禮庚辰進士選庶吉士改授廣元知縣行取補
工部主事以郎中出爲饒州知府

馮法字完愚隱於碁往來江湖晚年居吾里者二十餘載素
專長生之術歿後王方伯以詩輓之

蔣德昌字聿修海寧人寓居南園與朱西畯同學三載後
進士官湖廣學院

沈匡字協民平湖人父邑諸生匡幼失母十歲始通論語孝
經父每醉輒與杖匡懼亡走郭外有塾師憐而收之閱三年
通經義塾師遣之歸父喜尋補邑諸生父遣匡出授書匡從
叔子儀有高名時僑居王店鎮嘗製紙衾畫怪松其上下畫
一龜沙渚間人莫解其故匡曰山木以不材終其天年神龜
寧曳尾泥中叔殆將隱矣子儀曰兒知我者於是館匡久之
父卒匡遂決意出世後不知所終

采山
堂集

蔡璵字玉賓海鹽人幼學琴於師不一二操輒盡其妙餘皆

其所自得而廣陵散爲最云著黃冠寓居梅里道院中榜曰獨參元理

補徐元榮字道力海寧鳳凰里人崇禎己卯舉人順治丙戌遭焚掠之禍依兄在移寓梅里旋就淳安教諭復歸海昌成進士選庶常 眷遇甚隆未幾卒

許箕字巢友海鹽人徙居梅里性孤介峻節高行可以砥俗周賓好結客而箕閉戶獨吟嘗戲語箕曰與爲熱周寧爲冷許時人稱之箕行楷書瘦硬通神人以卷冊乞書者多寫已詩應之

梅里詩輯

浦越喬字剗工鄞人太學生移居梅里古文具具有根柢南游

滇黔北歷燕代所爲詩得江山之助

同上

蔣人字公凡一字昭遠能詩自署桃花里人潛踪村僻泉石
盟心史翼經喜蔣公凡移居吾里詩有穆谿十載寄幽廬之

句

同上

陳昂字書厓休寧人同知僑居里中與朱檢討父子鄰竝相
倡和弟景字秋圃亦能詩

司志

朱維鑑字衡州號麗皋家秦谿邑庠生肆力於古文學唐孫
樵劉蛻諸家詩宗昌黎昌谷與里中朱振祖王湘輩爲吟社

咸推許之

願學齋
文鈔

涂斐然字鳳輝號敬齋歸安人諸生資性穎異書過目卽能

記誦博覽羣籍尤熟於史善爲韓柳歐曾之文徙居梅里業醫有名嘗哀輯國朝人古文見卽手錄年及八十兀兀鈔

訂不輟

已上俱補

續補史致和字春臺監生自海昌遷居梅里里中廣豐橋跨長水以通往來歲久傾圯致和謀於同志議重新之旣興工而認輸者皆有難色遂獨力成之計費四千餘緡歲荒飢民嘗擾富室惟不至史氏家曰此樂善好施者咸相率而去

汪敬孚休甯人以賈寓里年壯氣銳膽敢絕人咸豐十年里中舉辦團練嘗率衆擊賊屢挫其鋒七月二十六日戰賊於秀水橋獲勝收隊突遇伏起衆因以潰急躍入舟舟離岸遠

失足墮水追至以長矛亂刺之遂死又胡元寶同寓里中亦擊賊死難

蘇善溥字疏泉錢塘人諸生咸豐六年遷里之漾苒灣而居性放浪以詩酒自娛尤嗜飲壺觴在前輒戀戀不能去酣則倒地臥事母孝聞母呼則唯唯起或醉甚不覺醒而知之必自批其頰父績功故諸生續學善書有古文蘇詩諸選手抄本善溥藏之維謹每出展讀或歌或泣人目爲狂十年七月賊至里陷被脅以去善溥向賊索酒不得遂痛罵被殺

夏昌祚字芷薌道光乙卯副貢自嘉興遷居梅里品行高潔遭亂益窮家無隔宿春而浩然自得素與吳中丞昌壽交最

契吳撫廣東時嘗以書招不赴年七十餘卒

先父諱聖本字邦凝號恕堂國學生世籍休甯以待先大父
蘊齋公業離於浙遂家禾城旣又樂里之風俗樸茂因移居
焉性至孝時歸原籍養母先意承志甘旨必潔有疾恆累月
不解衣帶械箠皆躬自洗潔慈訓素嚴稍不合輒怒長跪哀
啼狀如嬰赤晚年病肺氣急猶必呼母其孺慕終身如此平
生好施與親友有急難者必解橐相助不足或典質以益之
先生母王亦時以釵釧濟乏善醫尤長婦科危而獲安者指
不勝屈精賞鑒藏金石書畫甚富年六十七卒

陳中元
填諱

先兄諱贊字伯慶號縵廷以商藉入杭州府庠生舉業之暇

兼攻醫術後又通瘍科承父志以濟世爲事同治癸亥省墓
歸休適遭賊亂被脅不從遇害年三十五事聞 卹雲騎尉
弟質字季安號華甫生有異稟八九歲時卽能弈處家事并
并有條客死上虞聞者皆悼

梅里志卷第十二

里人楊謙箕 李富孫補輯 余 林續補

李保宸參校

節烈一

補吾里自明以來婦人女子以節孝貞烈著者多至數十百人固有已邀旌揚之典而窮檐薄祚未得表門閭者亦復不少其之死靡它奇節貞操爲之發潛聞幽皆足以維持風教焉

明

庠生李儒鯨妻王氏年二十七夫亡長子有壤

補案通志何縣志俱作有

堂誤妻周氏年二十一夫亡姑媳守志萬厯間知縣鄭振先旌其門曰一門雙節姑年九十媳年七十相繼而逝

周節婦康氏結褵三載夫亡生子之諒僅百日撫之成立之諒事母孝藝弈有聲曾孫覽予繼之氏年八旬餘廼卒姪宏選妻王氏亦蚤寡時同里李文廉母何諸生屠爌母褚皆旌周貧不能達有司處士王翊慮久而失傳作沁園春詞以表之補梅里節孝錄李祝妻何氏年三十一夫亡子文廉甫八月教養成立崇禎六年卒守節五十年例格於旌文廉請諸撫按俱頒額獎之一曰操比冰霜一日大節凜如

庠生屠明謙妻褚氏諱字儀卿懷才擅文譽家貧以母喪未葬三十不娶氏父勛字完吾重其義以女歸焉謙卒氏年二

十三遺孤燬前週歲矢志守節年六十七卒崇禎十四年巡按題旌

同知李士標妻沈氏士標官山東寧海州同知崇禎壬午冷口兵入士標守陴勞瘁卒與氏訣曰我以王事死無所憾脫敵至汝必斃僕隸有不願從者聽士標歿而州城陷兵抵扉氏憑棺抗聲曰此故州丞李君也任汝掠劫卽骸骨不可犯遂引乃自絕妾婢從死者二十三人

嘉禾徵獻錄
浙江通志

沈悅泉妻朱氏父敬山年二十一歸沈二十九夫亡善事舅姑撫子成立母病告歸割股以療年六十三卒崇禎八年知縣羅炯以節孝並嘉額褒之子玉暘有孝名

補嘉會鄉民糜正妻張氏年二十六夫亡守節養舅姑教二

子成儒年五十七終貝瓊有傳

春風錄

李忠字公良妻張氏年二十六夫亡遺孤鑒撫之成立守節

五十七年

梅里節孝錄

湖州進士董嗣昭妻李氏國子助教原中女嗣昭未除官卒

於京邸因依母氏買田廬於里北築伏獅菴苦志焚修長齋

奉佛以終天啟間旌

已上俱補

國朝

贈吏部侍郎廩生杜衡妻曹氏幼警敏孝謹不苟言笑年十六適杜踰年生子囁十八夫亡守志不二孝事舅姑餽粥之

資取辦十指以孫臻貴封夫人年七十二卒康熙十七年具題奉 旨建坊嘉興東津亭之壺儀風世坊是也

王大觀妻沈氏年二十一夫亡養姑撫子歷四十年有司旌之

李光垣妻陸氏海寧孝廉陸盡誼字真如之女幼許字光垣翁衷純攜光垣官鳩茲忽病瘳數年不愈衷純乃手書辭婚氏聞不食竟日父問之答曰女未成禮不得爲李婦然業許字李矣卽李以惡疾廢女改字他姓儻他日李愈是女有二夫在人間也請待之父爲惻然以手書復衷純又數年衷純守邵武遷轉運歸光垣病益甚衷純又力請辭氏堅誓如初

年已二十有四矣衷純乃迎之歸行廟見禮以成婦志未嘗
合卺也逾四年衷純卒氏執喪盡禮又數年光垣亦卒以姪
銘爲嗣復早卒撫其孤教育兼至年逾五十族黨謀具節行
上白氏峻辭乃止

陳國英妻杜氏秀水人年二十七夫亡冰霜自平矢時言笑
不苟以禮法訓子女年六十三卒女文姑以貞烈著

陳貞女子進

補節孝錄作
子俊名國英

之女許字張嗣昭

補俞長策傳作
嗣載節孝錄作

嗣昭云更
名嗣載

未婚死女請往母不許請服喪又不許女乃潛製

麻衣母夜服之而臥凡翠鈿綺羅悉屏不御聞有求婚者至
輒絕粒累日母視其衾枕間俱有淚痕知其志不可奪乃聽

之居十餘年女病且死曰吾今始得相從於地下矣張氏迎

其喪以歸題其銘旌曰德姑人皆以德姑稱之雍正十二年

旌具題

旌

案原彙又兩引通志云陳國英女文姑許配同

邑張載揚未昏卒文姑聞訃悲泣往視其殮歸
即自經死又陳國英女字張未婚卒女年十七聞訃欲殉遂
往夫家守貞二十四年雍正十二年題旌節孝錄云張嗣
昭聘妻陳氏國英女名文姑年十七未嫁夫亡聞訃往成服
欲殉母勸其歸遂絕粒越旬日吞金死母送柩歸夫家合葬
俞長策有傳此實一人而誤分爲兩
人并所紀事互異故府縣志皆誤

楊節婦朱氏先高祖考諱萬鍾字思谿娶庠生敬塘女爲繼

室時氏年十八生一子啟元二十二而寡撫前子世楨如已

出延師訓廸葬先世遺棺皆以紡績出之康熙六十年知府

吳公永芳採入郡志雍正十三年巡撫嵇公會筠載入通志

乾隆四年巡撫盧公焯題旌奉 旨建坊

徐燁妻王氏方伯庭女年二十歸徐適燁父忠可疾甚倉卒完婚甫兩旬遭喪燁哀毀成疾越三月卽歿氏欲從死者再旣而撫姪以延夫祀茹長齋服疏布奉姑數十年妯娌相聚從不露齒當事旌之

庠生錢奇英妻繆氏文學崇正女二十二而寡撫四齡孤女侍奉翁姑紡織以給朝夕氏以翁喪子且無孫懼錢氏之不祀勸翁納副室陸氏生子音昭後以其子王徹爲嗣贅姚祖發爲壻生子元微元端已而壻女皆亡又撫二外孫俾俱成立氏患病元微割股以救卒年六十有三惜王徹復殤錢氏

無傳

庠生張德元妻顧氏補年二十四夫亡絕粒五六日不死乃截髮毀容紡績以給朝夕教子成立守節五十二年雍正十三年題旌

王浣石妻繆氏師伋季女自幼克遵母訓浣石家貧且多病氏視湯藥日夜呼天求以身代及卒翁與繼姑謀改適氏知之欲自裁翁姑急止之氏恐再迫服闋後遂大歸於繆後翁姑卒奔赴哀號喪葬盡禮卒年七十有一守志五十餘年

王禹嘉妻周氏名文英年十九夫亡無子守志父家紡績勤苦孝事鰥父暨祖父母撫育弟之子若女弟詩亦事姊如母

壽登古稀知縣樊咸修以賈姊庾弟匾帖旌之

王子元妻胡氏早寡孝事翁姑撫孤成立知縣陸旌曰苦節
振世海鹽知縣鄭旌曰節烈堪風

王震妻陳氏震字郭奇方伯庭次子甫結褵卽隨父任之廣
州時因道梗畱寓南康病卒氏年十九翁憐其年幼欲嫁之
氏斷髮毀容誓不再適終身茹齋至乾隆初年嗣子兆旦上
其事巡撫盧焯題旌奉 旨建坊

監生李源妻朱氏年二十適李次年夫亡撫姪言志爲子延
師擇配年四十五卒乾隆二年題 旌建坊五道前

庠生李如蘭妻方 庠生標女年十九歸李二十七夫亡壽

七十三卒乾隆二年制府嵇公題旌

周公遜妻俞氏公遜名是仗義獲罪氏年二十餘繼姑以其年少無子屢逼之改嫁氏誓死守志以沒當事旌之

張耀山子聘湯氏未娶而殤氏時年十八謂父母曰旣許字之宜往送其殯至則求衰絰以服哭甚哀遂無歸意父母屢招之女給曰已成服服闋斯可每日舉案饋食如事生禮夜則偕一老嫗宿於柩側翁力勸其歸而擇嫁曰汝年少且未與吾子共牢何自苦乃爾女曰情不同理無異必欲吾去有死而已翁乃順其志令女之臥室與柩相鄰厥後女享壽八袞與亾夫共朝夕者六十餘年女死始出而合葬焉張氏嘗

自題其門曰貞德之門後易他姓每施黜聖於其上不久輒迸裂而出終莫掩其字跡

張文玉妻王氏夫早亡撫子成立乾隆四年題 旌孫肆建宗祠於市後以奉祠焉

王心耘妻張氏文玉女夫患療疾氏割股以進卒不效年二十六夫亡撫遺孤家幹成立巡撫盧焯表其閭曰松貞筠節乾隆四年題 旌建坊於草白場壽至八十卒

李節婦曹氏苦節壽終子又韓恂恂孝行讀父遺書旋苦食貧奉母命業醫每以不克表揚慈節是懼蔣明府薰李徵士良年爲賦詩以傳

胡士榮妻徐氏年二十二夫亡四十八歲歿乾隆四年題旌
范聖衡妻胡氏君求女年二十夫亡八十二歲卒

庠生王咸臨妻沈氏拱日女早寡撫遺孤成立艱苦備嘗守
節七十餘年壽九十有七

陳學澍妻楊氏太學生汝雯女未成婚澍病故氏年二十三
欲往守制兄不許且勸之嫁不從絕粒吞鉛粉而死學使汪
澄旌其門閭乾隆四年題

金玉倫妻李氏年十九夫亡孝事翁姑撫遺孤文山成立壽
七十餘卒乾隆五年題 旌

王秉衡妻周氏天成女年十七適王二十三歲夫亡壽八十

五乾隆五年題 旌

樊烈女名婉婉晉肱之女生而聰慧熟精女史許字同里李
生未婚而卒女聞訃數日不食作絕命詞以見志遂自縊通志
沈煥章妻錢氏美卿之次女母俞氏年二十許字沈未婚
夫卽得疾至二十六歲夫疾篤氏聞之欲往兄不能止康熙
四十九年正月廿一日于歸夫臥病不能成合卺禮亦勸其
改適氏矢志靡他奉侍湯藥年餘夫亾氏欲捐軀以殉舅姑
慰諭至再將長房次子允恭繼之家雖貧奉舅姑必備甘旨
後舅得中風疾不能舉動氏維持調護數年而翁姑相繼去

世乾隆五年題 旌

鄭叔文妻王氏治政之女幼知書承襲二十一歲適鄭鄭先病療結禱不兩月而卒舅爲置嗣令氏與妯娌同室處氏謂夫有兩兄在不可願歸寧依母以居人有謀奪志者母嚴詞絕之而不言氏自覺家中人辭色有異忽謂母曰兒一身存終爲人所覷悔不當時早殉泉下母不虞其他漫應曰無之是日夜分竟服瀉死事聞於官邑令山陽許肇起驚嘆其節烈攝媒笄之而表其閭曰勁節維風

顧元春妻王氏方伯庭曾孫女文學處厚長女年二十六夫亾撫子繡虎成立年七十九卒乾隆五年題旌繡虎早亾妾陸氏少寡無子孝事王氏年七十餘卒

陸受茲妾沈氏年二十五夫亡無子或有議其改嫁者氏曰
妾雖不讀書然聞婦人從一而終越禮之事不願爲也紡績
度日守志終身兩遇 恩榮年至八十

王裕舅妻莫氏年十六歸裕昆十八而寡壽七十有九學使
汪以瑤池冰雪旌其閭

陳諧妻張氏桐鄉生員元授之女年二十三歲適陳二載夫
亡氏年二十五歲子掌綸生甫七月撫育之苦勤劬備至雍
正二年身故計守節二十四年乾隆五年具題奉 旨建坊
李文學孀房妻沈氏二十六歲夫亡時長子甫五齡次子雋
纔兩月耳強起持門戶前後執姑喪者一殤男一嫁女一娶

子婦者二貞潔之操垂三十年乾隆十年巡撫常公請於
朝旌其門閭歲在辛巳年七十以壽終

錢序賓妻曹氏海鹽庠生奕周女年十六歸序賓甫二載夫
歿投井數次爲翁姑救免守寡四十一年年五十九而卒學
使王蘭生以盡孝全貞四字旌之乾隆十一年題 旌祀節
孝祠

李師垣妻許氏平湖監生丕遠女年二十歸李二十七而寡
孝事邁翁撫訓遺腹守苦節四十九年壽七十有七乾隆十
一年題 旌祀節孝祠

王畱青妻時氏庠生方沛女年二十六而寡守節五十餘年

甘貧食苦壽八十有五

王元英妻魯氏年二十九而寡孝以事姑訓子有方年六十有五

王紹光妻孫氏二十八歲夫亡六十三歲卒

姚彥倫妻丁氏年二十九歲夫亡守節四十四年壽七十有三無子以姪知三爲嗣知三妻王氏留青女年二十而寡日夜紡績以事姑身無完衣食不充口厯守苦節五十餘年子禹濱早卒媳徐氏年二十有二同姑守節一門之內三代孀居姚氏無告目所僅見者

張恒山妻吳氏年二十八夫亡紡績度日撫孤成立壽至九

十

姚景賢妻王氏年二十成婚半載夫亡守節五十年壽七十

貞烈女杜氏禦能之女許字李書玉書玉早亡女聞訃奔喪

奉侍翁姑繼姪爲子夫喪旣除遂絕食死

補節孝錄書玉亡女聞訃閉戶自經

娣排闥救之得不死次日縞素往夫家撫屍大慟哀動鄰里
舅姑憐其志爲之立嗣未及期以遇哀成疾臨終泣告翁姑
曰我死幸以衰經殮我遂瞑目而逝

程琇妻徐氏天助女琇卒氏年二十八家素貧翁疾篤氏刲

左肱作羹以進疾遂愈撫孤成立鄉黨稱之補守節三十餘

年

陸焜妻朱氏履仁女許字焜早喪母無弟昆父客死富陽氏

一慟幾絕願往富陽負骸骨歸邱壟叔履端感之卽往扶輓歸氏奉母合葬乾隆戊午焜早卒氏年二十三聞訃欲往持喪叔不許氏自經急救得不死廼詣陸撫尸痛絕立兄子爲嗣陸所居僅一小樓臨街衢鄰右未嘗見其面聞其聲也事姑盡禮越二載姑卒氏遂絕食死年二十有五

劉南渠妻李氏秋亭之女雍正十三年成婚乾隆二年二月夫亡五月生一遺腹女乾隆三十三年身故厯守苦節三十一年

庠生史昌期妻張氏昌期早卒時氏年二十有一撫孤至弱冠又天祖墓在萍橋爲夫第出賣氏勤紡績以贖之營葬昌

期於萍橋之北侯翁卒自經死年四十七

韓鑑盈妻李氏君清女鑑盈販木棉花爲業自松江得病歸五日而亡氏年二十六無子止二女乾隆三十六年卒年七十一

施大倫妻姚氏俊山女年二十二歸大倫踰年夫亡無子紡績度日厯三十五年如一日

胡景垣妻姚氏俊山女年二十一歸景垣二十七而寡孝事孀姑撫子成立厯守苦節三十餘年

顧筠友妻姚氏哲聞女年二十一歸筠友二十四而寡事姑盡孝撫子明也成立娶媳張氏年二十六又寡姑媳相依焚

獎無告

姚庭翼妻周氏天瑞之女年十九于歸二十二夫亡七十五歲卒守苦節五十三年

金榜書妻吳氏青年守志繼嗣世德天亡媳屠氏亦苦志守節姑媳二人形影相弔里黨敬而憐之

張思默妻沈氏父映辰年十八適張二十九歲夫亡孝事邁翁撫育幼子年五十九卒厯守苦節三十年

王廣堂妻沈氏德星之女乾隆三十四年氏年二十有三適廣堂閱三載夫亡次年正月下澣翁賣氏與胡某以問巫爲名給至其家強逼成婚氏從立於胡某室中三日三夜

母聞之迎之歸未幾病卒里人何潤周秋光楊謙張瑚何
煥王飛捷等合詞具呈學使王杰以松筠勵操匾額旌其

閭

顧有恒妻張氏海鹽庠生如中女年十九成婚甫二月夫亡
撫夫弟安期成立守節四十餘年舊居橫山今遷大石橋
錢釭妻丁氏監生大成之女二十九歲夫亡無子孝事邁翁
繼姑撫幼叔成立讀書婚娶之費皆出自紡績乾隆十八年
題旌

吳兆麟妻陸氏監生武寅女康熙六十年適吳雍正五年夫
亡氏年二十五長子基甫五歲次子尙在襁褓躬親撫育教

以義方乾隆三十五年題 旌建坊 年遇 覃恩膺封典

補年九十五卒

李行恕妻陳氏海鹽縣人 雍正十一年適李乾隆元

年十一月十九日夫亡乾隆三十七年題 旌四十九年卒

守節四十八年

監生沈飛熊妻李氏三十歲夫亡撫二子成立支持門戶垂

二十五年年五十病卒補乾隆四十二年題 旌

蔣松亭妻沈氏海鹽庠生定安女十六歲成婚一載而寡事

姑撫孤備極艱辛其母孀居迎養在家守節三十四年原籍

海鹽今遷至里中補乾隆四十七年題 旌

生員張自牧妻朱氏秀小候選同知載嶽女二十八歲夫亡
勤苦紡績以課子守節三十餘年如一日卒年八十有一
張軼羣妻李氏生員大雅女二十二歲夫亡無子守節三十
餘年撫叔希賢成立備極艱辛

朱河中妻楊氏監生復君女年二十成婚二十六歲夫亡無
子年七十一卒歷守苦節四十五年

徐東山妻周氏十八歲適徐二十三歲夫亡孝事邁翁三年
後舅故喪葬盡禮里黨稱之五十六歲身故撫姪洪雁爲嗣
讀書入泮皆氏之力也補守節三十年乾隆四十七年旌
丁大年妻王氏方伯庭曾孫女文學處厚之女適大年七年

無子康熙己丑大年病歿氏椎心嘔血泣曰婦所天者夫也
今已矣生何爲囑娣婦善事其姑遂歿并死年二十三同里
朱葵尊等合詞聞之有司學使吳垣旌之補乾隆四十八年
題旌

徐玉附節孝錄作玉符妻張氏畊道之女十七歲適徐爲媳二十

三歲完婚二十四歲八月夫亡子成恕纔生六日耳撫之成
立爲之娶婦侍養翁聞文姑陸氏踰九年俱歿補氏嘉慶二
年卒守節六十二年先於乾隆五十一年題旌

李烈婦延初之女歸某氏旣嫠依父母以居家人屢勸之再
適不其少聽旁人言以爲此事不必謀之於女也一日媒

氏來徑納其聘烈婦卽於是夕服繭而殞

楊漢俊妻湯氏澠浦濟源知縣權女雍正十年十二月漢俊入贅於湯氏年二十有二次年正月五日漢俊省母歸感時疾卒氏聞訃來歸一痛幾絕太姑王孺人曲諭之稍強起飲食撫遺孤娶婦事姑盡孝姑亡後喪葬盡禮守節四十九年

補乾隆五十六年題旌

楊節婦周氏先考治臣公側室公歿時氏年二十有七孝事邁姑撫子良成立娶婦沈氏庠生廷煌女年二十三良又天亡止一子品**補**甫周歲與庶姑相依爲命周守節四十年卒後品弱冠又暴疾卒撫夫兄謙子蟻爲後道光三年卒守節

五十七年先於嘉慶二十年並題 旌

庠生楊漢杰妻吳氏秀水庠生斌女二十六歲夫亡止一女
家貧無以自給依其第四婢以居後繼姪爲嗣補乾隆五十
一卒守節三十四年

貢生李旦華妻王氏秀水貢生士超女年二十九夫病篤用
剪割股和藥以進終不起訓子遇孫讀書成名補嘉慶二年
題 旌道光二年卒守節五十七年

庠生陳晉妻李氏炳之妻之女年十七適陳二十五歲夫亡撫
孤章弱冠游庠補嘉 十一年卒守節四十九年先於九年
旌婦丁氏年二十 章以咯血症卒氏孝事寡姑以雙節

稱撫子鳳岐成立守節四十餘年

楊培田妻朱氏檢討獎尊元孫女年十九歸培田生子辰乾隆三十二年夫亡時年二十五撫遺孤讀書入庠補嘉慶十年卒守節三十八年

吳以德妻張氏年四十夫亡守節十年

補杜麟翔妻曹氏早寡守節四十餘年郡縣上其事於學使及巡鹽直指得旌表云司志

庠生錢豐妻李氏年二十九夫亡未幾姑卒太翁及翁又繼之氏竭力營喪葬撫二子成立雍正十二年旌乾隆六年

卒守節四十二年

參節孝錄下同

監生胡廷樞妻李氏庠生允澄女年二十八夫亡事舅姑以
禮接娣姒以和教子成立守節三十三年乾隆元年旌
盛文元妻沈氏年二十八夫亡事翁姑以孝性好施予乾隆
乙亥歲饑命子兆熊兆龍買米以周鄉里乾隆二年題旌
二十五年卒守節六十四年建坊墓前

監生李學圃妻張氏年二十二夫亡無子撫夫從子爲後以
讀書敦行勉之守節六十一年乾隆五年旌

馮浦妻王氏年二十一夫亡子林僅五十日教養成立守節
四十六年卒以子任祁門縣典史 貽贈孺人乾隆五年
旌

陳維標妻蕭氏湖郡州同元成女年二十四夫亡翁疾篤割股和藥以瘳二子既長一病亡一客死孀姑寡婦相依爲命媳又病廢遺兩孫僅四五齡氏復撫之乾隆八年卒守節五十九年先於六年旌

戴源乾妻朱氏年二十夫亡遺孤僅四月餘教之成立守節四十八年乾隆七年旌

馮學海妻莊氏乾隆八年旌

姚純所妻王氏年十九夫亡撫遺腹子成立康熙四十九年卒守節六十三年知縣張給維貞則壽額乾隆十一年旌貢生錢是式妾鄭氏年二十五是式亡撫二子墳簣克繼先

業乾隆三十五年卒守節五十三年先于十一年旌

甘州參將許雲龍妾孫氏三原人年二十六雲龍歿於官與

嫡王氏扶柩行萬里險阻備嘗心力交瘁嫡子燦僅三齡保

抱如已出乾隆十一年卒守節二十九年十二年旌

陸景唐母丁氏監生金紹母■氏俱乾隆十三年旌

司志

庠生盛濤妻畢氏年二十七夫病瀕危時已絕粒六日知夫

不起潛飲鹽鹵死死四日而夫亾時乾隆二十三年無子後

嗣夫從子爲後二十四年旌

朱錦雲妻錢氏年二十四夫亾子纔七十日旣長謀爲娶婦

口翁姑尙淺土非娶婦時也拮据殯葬後始成婚禮守節四

十七年乾隆三十八年 旌

監生張元傑妻沈氏年二十六而寡子振宗甫二齡辛勤撫育俾至成立乾隆四十九卒守節六十二年先于四十二年旌

張孝炎妻朱氏年二十九夫亡遺腹生男及長負米遠游家聲不墜氏年一百歲守節七十一年乾隆四十三年 旌
金世榮妻屠氏年二十二夫亡無子嗣夫弟子甫三齡撫育成立守節四十年乾隆四十六年 旌

陳御山妻金氏年二十一結褵九月夫亡勺飲不入姑勸止之逾月遺腹生子事寡姑張氏得歡心歉歲同子啖糠粒姑

勿知也守節五十餘年乾隆四十七年 旌

監生李詩妻金氏貢生志聖女年二十九夫亡撫子若愚婚娶後又卒偕婦張氏撫孫晝夜操作教之成立乾隆十四年卒守節三十九年張庠生帆女年二十八夫亡奉侍孀姑十七年爲子娶婦莊氏數年子卒遺孫爾詵尙在襁褓復教育之乾隆四十五年卒守節五十二年四十七年 旌

陳文修妻張氏年二十二夫病篤割股以進終不起氏投繯飲瀉俱以救免越三月遺腹生子茹荼撫育得以成立守節三十一年乾隆四十七年 旌

姚邦傑妻王氏年二十五夫亡無子撫兄子爲後守節四十

四年乾隆四十八年 旌

顧光祖妻杜氏年二十六夫亡子纔三齡遺腹生女遂依母家紡織自給嘉慶十三年卒守節五十四年先于乾隆四十八年 旌

監生周介千妻褚氏年二十四夫亡哀痛欲殉翁姑以有娠勸止越四月遺腹生子永年翁姑年俱老奉侍惟謹後相繼歿喪葬皆出十指間守節六十餘年乾隆五十年 旌

俞在明妻舒氏年二十五夫亡子尙襁褓家徒壁立兄勸之嫁不可屢倡之潛攜子走避某親兄復倡之氏曰身可殺志不可辱也乃得免晝夜操作哺其子長爲婚娶令業賈乾隆

三十八年卒守節五十一年五十年 旌

監生葉向榮妻陳氏年二十四夫亡子甫三月氏悲痛欲死姑力勸之乃止越八年姑歿太姑已九十餘奉侍益謹至九十九而亡鄉里咸稱氏之能孝養也守節四十餘年乾隆五十一年 旌

吳坤六妻錢氏監生國士女年二十五夫亡無子僅二女事寡姑極孝恒藉織紉以奉養既歿喪葬無失禮立夫從子爲後家貧不能迎養依其壻徐某以終守節五十餘年乾隆五十二年 旌

陳履剛妻馮氏年二十七夫亡事翁姑至孝子甫十齡以痘

殤乃立族子爲後乾隆五十五年卒守節三十八年先于五十二年旌

張超倫妻李氏年二十四夫亡姑早卒孝事太姑及翁撫夫第子爲嗣守節三十八年乾隆五十三年旌

姚洽中妻俞氏年二十三夫亡無子翁姑俱老奉侍惟謹撫嗣子成立守節三十七年乾隆五十四年旌

馮雲幹妻虞氏年二十三夫亡誓以死殉翁姑慰諭乃止越五月遺腹生男辛勤撫育長娶婦姜氏子又病歿與寡媳同矢堅貞熒熒相對撫孫成立守節三十八年乾隆五十四年旌

王應棠繼妻劉氏懷竹女年二十一夫亡遺孤纔三齡翁客居河南支持門戶足不踰閭子七歲以痘殤一慟幾絕以夫從子爲嗣後翁客死計至命嗣子扶櫬歸葬守節三十餘年
乾隆五十六年 旌

盛澤沈鎔妻李氏先曾祖姑也年二十五夫亡無子日誦梵咒一身坎壈凡遭凶事者六治婚嫁者五皆一手支拄以夫兄子銓爲後乾隆三十七年卒守節五十年銓扶兩櫬葬於里之漾葭灣北五十七年 旌

張國棟妻程氏年二十八夫亡事邁姑以孝撫子成立守節四十二年乾隆五十八年 旌

李光復妻張氏庠生若愚女年二十六夫亡遺腹生子源錫
事堂上盡孝翁姑相繼歿竭力喪葬併爲夫營域其旁教子
成立嘉慶六年卒守節四十一年先于乾隆六十年 旌
王肇奇妻汝氏吳江啟雷女年二十七夫亡乘間赴井以救
得免舅姑俱年老侍奉無倦遺孤潤甫八歲訓誨不稍姑息
守節五十三年先于乾隆六十年 旌

王肇誠妻張氏鵬飛女年二十四夫亡子纔六歲事堂上盡
孝養撫子成立與奴汝一門矢志守節六十年乾隆六十年

旌

王庭槐妻夏氏年二十七夫亡時翁喪未小祥姑老而病遺

孤纔數月事姑撫子竭盡心力守節三十一年乾隆六十年旌

蕭質夫妻嚴氏年二十夫居父喪哀毀絕粒十日而死氏哭
暈復甦者再子甫三齡又殤立夫從子爲嗣乾隆五十八年
卒守節三十六年嘉慶元年旌

王鏞繼妻胡氏年二十九夫亡止一女事翁以孝後翁歿與
姑俱安葬併以夫塋焉撫夫從子爲嗣教養踰子已出守節
三十二年嘉慶二年旌

沈清妻祝氏年二十八夫亡無子事姑孝歿後喪葬盡禮撫
嗣子學易成立守節三十四年嘉慶四年旌

張大中妻蔡氏延章女年二十七夫亡嘉慶九年旌□□
年卒守節三十餘年

姚禧繼妻張氏年二十七夫亡事翁孝撫前室楊氏子女如
已出守節三十一年嘉慶四年旌

沈宸蛟妻陳氏年二十九夫亡無子一女尙幼事姑孝撫嗣
子劬勞備至乾隆八年卒守節二十七年嘉慶四年旌
泰興縣令金祖端妾魯氏年二十八祖端卒于官魯扶襯南
歸遺孤葵尙在襁褓攜之依壻家守節三十年嘉慶四年
旌

庠生胡斗光妻姚氏年二十六夫亡紡織膳姑給二子衣食

守節四十六年嘉慶六年 旌

陶世凝妻謝氏松年女年二十五夫亡無子撫夫從子爲後
守節五十年嘉慶八年 旌

贈儒林郎張淵妻沈氏年二十八夫亡撫子士楨訓以讀書
爲善嘉慶九年卒守節二十一年九年 旌

張維梅妻金氏贈編修祖顙女年二十七夫亡無子事姑孝
撫嗣子成立嘉慶十年 旌二十一年卒守節六十三年

褚鈞妻姚氏嘉慶十年 旌

庠生李家駒妻何氏年二十九夫亡撫二子俱成立嘉慶六
年卒守節五十一年十二年 旌

朱錦雲妻張氏庠生琴女年二十五夫亡紡績供甘旨撫孤
四歲適天折嗣夫姪爲後嘉慶四年卒守節三十一年十四
年旌

李朗妻陸氏韻天女年二十九夫亡無子欲殉從翁勸止嗣
夫從兄子貽德爲後教養備至弱冠游庠旋登賢書嘉慶十
二年卒守節二十六年嘉慶十五年旌

沈恩誠妻歐陽氏年二十七夫亡上無翁姑下無子女家貧
無所棲止依於母家守節二十九年嘉慶十九年旌

監生陳琦妾沈氏年二十八琦歿氏克盡婦道嫡庶無間生
子壽齡教養成立嫡母病篤壽齡割股以療嘉慶二十三年

卒守節三十八年二十四年旌

祖鎔妻楊氏事舅姑盡孝年二十九夫亡遺孤在襁褓撫之成立守節四十三年嘉慶二十四年旌

王世德妻蔣氏年二十七夫亡長子本信甫三齡遺娠生子本謙氏上奉舅姑生養死葬撫兩子成立守節三十年嘉慶二十四年旌

王昌齡妻方氏年二十夫亡無子撫夫弟子教養成立嘉慶二十五年旌是年卒守節四十二年

李綸妻父氏年三十夫亡茹荼飲藥撫子成立苦節三十七年嘉慶二十五年旌

張維綱繼妻徐氏年二十五夫亡夫病篤時卽吞錢求死翁姑以藥救之得免無子以夫弟子之棟爲後茹荼教育嘉慶元年卒守節五十五年道光三年旌

胡敦書妻金氏處士標女年二十五夫亡撫夫從子爲嗣勤持家事足不踰閭里鄰交稱之子旋卒與媳王氏艱辛厲志至老操作不懈嘉慶二十年卒守節四十八年道光三年旌

錢璞堂聘妻李氏太學生鉉女將結褵而夫亡父母不使女知一日有女尼洩其事女卽手製白衣不食七日瀕死告父母必以縗麻殮一慟而絕年二十五錢氏憫之迎柩與璞堂

合葬焉道光三年 旌

繆維三妾蔣氏年二十六維三歿子甫四歲撫養成立嘉慶十八年卒守節四十二年道光三年 旌

張富善妻李氏名絳芸孝廉方正穀女年十七適張越四載夫患咯血症氏卽有憂色期年夫亡欲以身殉翁姑及戚鄰咸爲勸解氏陽爲承順時袖佩巾思自縊家人晝夜防護不得死久之守者稍懈乘間潛服鹵汁而暈家人驚覺亟救之已不能言延二日死年二十三道光三年 旌

監生沈學麟妻吳氏年二十九夫亡孝事舅姑處妯娌其和子道腴纔三齡教育備至道光十三年卒守節四十二年先

於六年旌

朱復享妻陸氏年十六適朱逾年夫亡因有遺腹不死上奉
孀姑恒以鍼黹謀菽水姑沒盡哀如禮後爲子娶婦復念四
世停柩未葬拮据營圻祖塋氏曰我事已畢可無憾矣遂投
繯而死年三十有八道光四年旌

理問李福慶妻趙氏秀水盈川女年二十二夫亡艱持門戶
撫子文烈成立嘉慶二十四年卒守節四十五年道光四年
旌

胡世永

字同久節
孝錄複見

妻李氏年十九夫亡結縗僅數月撫嗣子

成立婚娶後又卒家益苦姑婦日夜操作以食守節五十餘

年道光四年旌

監生沈德言妻郭氏年三十夫亡撫子維蕃成立嘉慶二十五年卒守節十五年道光四年旌

監生沈濂繼妻任氏年二十八夫亡無子立夫從子爲嗣孝事尊章歿後嗣子又殤茹涕侍姑道光三年卒以夫姪孫嗣宗爲後守節十七年道光四年旌

舉人李蘭繼室鄭氏庠生瑞芝女年二十七夫亡家故貧日勤操作撫子鳳孫成立道光四年卒守節四十二年道光六年旌

庠生李清華繼室

十六夫亡後姑病劇割股和藥

以進撫前室子啟孫弱冠游庠守節四十三年道光七年

陳

庠生王懋麟妻胡氏年二十一結褵未一載夫亡無子能孝事舅姑撫夫弟子□爲後業已成立守節三十二年道光七年旌

何烈女名雲父業賈早歿年二十許字同里馬濂濂以讀書攻苦得療疾逾年卒家人密不以聞女偵知之卽毀容涕泣欲以死殉母爲慰諭且以已年老女憬然曰願侍母以終其身自是屏膏沐不御紈綺奉事如常次年母歿女益哀痛卒哭後促姊歸夫家身衣衰經夜半自縊死年二十二道光六

年七月日也翁憐其志遂迎喪與柩耐主合葬焉七年請
旌建坊